



UNIVERSITÄTS-  
BIBLIOTHEK  
PADERBORN

**ITINERARI[I] || ITALIAE || RERVMQ. ROMANARVM || LIBRI  
TRES ||**

**Schottus, Franciscus**

**Antverpiae, 1600**

Mantua.

---

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

patriæ antiquitates expressit in dialogis quos de origine & antiquitate ciuitatis Verona in lucem libri quatuor edidit.

Videbis nouas munitionum vrbis structuras, quibus Veneti maximis operibus, & sumptibus, continuoq[ue] studio, pro huius s[ecundu]m ambitio[n]e contendunt vrbem illam inexpugnabilem reddere: immanes aggeres, spississimos muros, turre[s], ac propugnacula tormentis bellicis armata, fossas profundas atque latus, quas Athesis intromissus redimplet; item portas vrbis nouas, non tantum artificio & operibus admodum munitas, sed etiam sculpturis, statuis & marmoreis columnis adornatas.

### M A N T V A.

**M**ANTVAM constat antiquitate cum quauis Italarum vrbium certare posse. Ante Romanam etenim nō solum, sed etiam ante Troiae excidium (quod Romæ natalem, vt Eusebius, D. Hieronymus aliquique testantur, annis plusquam c. DXXX. præcessit) conditam fuisse probat Leander Albertus: & ante Christum natum annis c. LXXXIIII. Quemadmodum igitur antiquitate præcellit aliis, sic extra controuersiam nobilissima est eius origo: quam probatissimi qui que auctores ab Ocno Bianoro, Etruscorum antiquissimo rege conditam fuisse consentiunt, conflatamque ciuitatem ab initio fuisse ex tribus nobilissimis populis, nempe Tuscis, Thebanis externis, & Venetis viciniis. Ocnius enim conditor, Tiberini Tasci regis atque Manius Thebanæ filius, eam à nomine matris suæ Mantuanam appellavit; vt inter alios poëtarum princeps Maro Mantuanus ipse Aeneid. lib. x. testatur; qui nobilitatem suæ patriæ celebrans, Mantuanam aus diuinein, gentem illi tripli-

triplicem , ac populos sub gente quaternos , ipsam caput , & populis Tusco de sanguine vires ab origine fuisse canit : magis cum illustrans ingenio carminibusque suis , quam vel longa Tuscorum regum series , vel ipsius urbis ædificiorum magnitudo nobilitare unquam potuit . Quemadmodum Iulius Scaliger æui nostri poëta perdoctus & ingeniosus Maronem imitando de eadem eleganter scribit :

*Maxima cum veteri turgeret Erruria regno,*

*Sceptrumq; terrarum iungeret aucta mari:*

*Mole noua tumuit , soliisq; excreuit auitu,*

*Ut premeret forti iura aliena pede.*

*Inde est in superas deducta colonia terras,*

*Non tamen his potuit Mantua tota dari.*

*Clara viris felix Ducibus , diu inclita cygno ,*

*Quem vitreis aluit Mincias Andis aqua.*

*Mantua dines aus, magno non cesserit orbi;*

*Tota tamen parte hac vincitur ipsa suis.*

Vibz quidem ut situ est munitissima , sic & ædificiis publicis priuatisque per ampla ; rectis ac spaciose plateis apparet admodum decora , & venusta . Habet enim magnificas ædes sacras , templa , porticus , & palatia sumptuosa , & abundat mercibus , omniumque rerum necessiarum copia propter aquarum commoditatem . Etenim populus ipse ut ad arma , literas , artes ; ita ad mercaturam , aliasque negociationes valde gnauus , & promptus est .

## B R I X I A

**A**D radices eiusdem montis est posita , ac antiquitate amplitudineque ædificiorū cum multis urbibus Italiz certare potest . De hac autē epigrāma non inelegās tale prodidit Iulius Cæsar Scaliger , nostri sæculi poëta præclarus .

Q<sup>ua</sup>